

BLIN FOTO-BAKIR IZETBEGOVIĆ; POSJETIO FERHADIJU

14/04/2011 22:19 by Administrator

Älan Predsjedništva Bosne i Hercegovine Bakir Izetbegović kazao je danas u posjeti Ferhadiji u Banjaluci da se referendumom u BiH više ništa ne smije rješavati, jer tim metodama samo destabilizujemo situaciju.

Kada je riječ o najaktuelnijem referendumskom pitanju o radu državni sudova i tužilaštva, tek usvojenom u entitetskom parlamentu u RS, to se posebno ne smije raditi - rekao je. Podsjetio je da su zakoni o Sudu i Tužilaštvu BiH usvojeni u državnom parlamentu, a zatim mijenjani u Vijeću ministara i u tome su učestvovali i entitetski predstavnici.

- Ako se ovo pitanje otvara, onda je to za državni parlament, nikako za entitet - naglasio je. Izetbegović ocjenjuje da aktualizovanje referendumskog pitanja u Republici Srpskoj dosta usporava formiranje vlasti u zemlji i dodaje da se ide u pogrešnom smjeru i u pogrešnom trenutku, pošto bi sada od velike važnosti za sve trebalo da bude saglasnost na unutrašnjim pitanjima i jedino takav stav pred evropskim zvaničnicima.

U skorije vrijeme najavljuje pregovore sa SNSD-om i SDP-om.

- Pregovore o formiranju državne vlasti sa SNSD-om i SDP-om počinjemo uskoro. Ne mogu reći kada će vlast biti formirana, ali mislim da bi trebalo da bude uskoro. Treba da u vlasti budu i dva HDZ-a - rekao je.

Osim pola miliona KM iz budžeta Vlade Federacije BiH, kaže Izetbegović, pobrinuće se za još novca, koji je neophodan za obnovu Ferhat-pašine džamije u Banjaluci, te će lobirati da se obezbijede i dodatna sredstva kako bi izgradnja mogla da se nastavi kako je planirano.

Danas je obišao gradilište Ferhadije razgovarajući sa muftijom banjalučkim Edhemom efendijom Ćamdžićem, kao i stručnjacima koji rade na izgradnji džamije koja je srušena u proteklom ratu.

- Izgradnja ide sporo, jer je skupo graditi ovakav objekat. Danas sam tu da uzmem predračun troškova, kako bismo makar osnovne stvari mogli da uradimo - kaže Izetbegović.

Predračun koji bi pokrio troškove izgradnje osnovnih dijelova ovog vjerskog objekta je 1,5 miliona KM.

Muftija Ćamdžić ovim povodom naglašava da za Ferhadiju treba da se interesuju svi, ne samo BiH.

- Njenu izgradnju treba pomoći i Evropa, jer je ona pet vijekova bila simbol suživota, tolerancije, dijaloga, čak i 1941. godine, kada je Evropa drhtala pod fašizmom, našim imami stvarali su na ovom mjestu Rezoluciju za spašavanje Srba i Jevreja - podsjetio je, dodajući da su potom inicijatori Rezolucija, stradavali u zloglasnom jasenovačkom logoru.

Medžlis Islamske zajednice u Banjaluci ovim povodom je poklonio umjetniku sliku Ferhadije Älanu Predsjedništva BiH.

Uskoro i video.

Izvor vijesti: BLIN, S. VUKMIR